

De peregrinis vero, qui pro amore Dei et salute animarum suarum beatorum limina apostolorum adire desiderant, sicut olim, perdonavimus, cum pace sine omni perturbatione ut vadant suo itinere, secum necessaria portantes g). Sed
 20 probavimus quosdam fraudolenter negociandi causa se intermiscere, lucra secutantes, non religioni servientes. Si tales inter eos inveniuntur, locis oportunis statuta solvant telonea. Ceteri absoluti vadant in pace.

De negotiatoribus quoque scripsisti nobis. Quos volumus ex mandato nostro ut protectionem et patrocinium habeant in regno nostro legitime iuxta anti-
 25 quam consuetudinem negociandi. Et si in aliquo loco iniusta affligantur oppressione, reclamant se ad nos vel nostros iudices et postea piam iubebimus iustitiam fieri. Similiter et nostris; si aliquid sub vestra potestate iniusti patiantur, reclamant se ad vestrae equitatis iudicium h); ne aliqua inter nostros alicubi oboriri possit perturbatio.

De Odberhto vero presbitero, qui de Roma rediens, pro Dei amore ut referre solet, peregrinare volens, non vos accusare veniens, sciat dilectio vestra, quod eum cum ceteris exulibus, qui timore mortis sub nostrae protectionis confugerunt alas, Romam diregimus; ut sub praesentia domini apostolici et ill.
 30 archiepiscopi vestri — quo se, ut vestri innotuerunt apices i), voto constrinxerunt — audita causa illorum indicaretur; ut, quid pietatis intercessio non profuit, aequitatis indicatio i) proficiat. Quid nobis cautius esse poterit, quam ut apostolicae auctoritatis censura causam discernat, in qua aliquorum dissonat sententia?

Petras vero nigras, quas vestra flagitabat reverentia vobis diregi, veniat
 40 missus, qui considerat, quales animus vester desideret. Et ubicumque inventi fuerint, dari et in vehendo adjuvari libenter mandabimus.

Sed sicut vos de longitudine petrarum desiderium vestrum intimastis, ita et nostri de prolixitate sagorum deposcunt: ut tales iubeatis fieri, quales antiquis temporibus ad nos venire solebant.

Cognoscat quoque dilectio vestra, quod aliquam benedictionem de dalmaticis nostris vel palleis ad singulas sedes episcopales regni vestri vel Aedelredi in elemosinam domni Adriani apostolici, patris nostri et amatoris vestri, direximus; deprecantes, ut diligenter iubeatis intercedere pro anima illius; nullam habentes dubitationem beatam illius animam in requie esse, sed ut
 50 fidem et dilectionem ostendamus k) in amicis nobis carissimum. Sicut et beatus precepit Agustinus pro omnibus aecclesiastice pietatis intercessionem fieri debere; asserens pro bono intercedere facienti proficere. Sed et de thesauro humanarum rerum, quem dominus Iesus nobis gratuita pietate concessit, aliquid per metropolitanas civitates transmisimus. Vestrae quoque dilectioni ad
 55 gaudium et gratiarum actiones Deo omnipotenti dirigere studuimus unum

g) *necessarius* und ähnliche Formen bei Alcuin sehr häufig; a. a. O. 18/Z. 16: ... *necessaria videbantur*...; a. a. O. 32/Z. 33: ... *per loca necessaria*...; a. a. O. 37/Z. 14: ... *multum necessaria*...; a. a. O. 41/Z. 43: ... *tibi necessaria*...

h) a. a. O. 174/Z. 19 f.: ... *et aequitatis iudicia in regno tuo*...; a. a. O. 183/Z. 4: ... *quominus aequitatis proferas iudicium*...

i) a. a. O. 32/Z. 4: ... *apices tuae providentiae innotescere curavi*...; a. a. O. 41/Z. 43: ... *sciebat esse innotuisset*...; a. a. O. 268/Z. 3: ... *scribendo innotescere*...

j) vgl. Note h.

k) a. a. O. 74/Z. 19: ... *in vos ostendere dilectionem*...; a. a. O. 120/Z. 26 f.: *Sed fraterna caritas in ammonitione spiritali et in solatio saeculari ostendenda est.*